

Акафист Божией Матери
в честь иконы Ея «Спорительница хлебов»

Кондак 1

Избранней от всех родов Божией Матери и Владычице Небес и земли, избавляющей нас от всякия нужды, благодарственное приносим пение. Ты же, Всемилостивая Госпоже Богородице, прими наше усердное моление, сохрани нас от глада и пагубы, даруй земли нашей плодородие, Питательнице и Спорительнице нив и хлебов наших, да радующеся всегда зовем Ти: Радуйся, Благодатная, Господь с Тобою, подаждь и нам, недостойным, росу благодати Твоея и яви милосердие Твое.

Икос 1

Ангелов Творец избра Тя, Владычице, к благодатному человеков спасению, и дарова Тя Помощницу людям, избавляющую нас от глада и всяких напастей, житие наше добре устрояющую в мире и всяком довольстве. Темже со умилением взываем Ти:

Радуйся, благодатное человеков от всякия нужды избавление;
радуйся, достоянию Твоему помощь и заступление.
Радуйся, христоробивья люди от всяких бед спасающая;
радуйся, алчущих питающая.
Радуйся, сырых заступление;
радуйся, нагих одеяние.
Радуйся, израстившая нам Плод Живота;
радуйся, рождающая Спаса душ наших.

Радуйся, Благодатная, Господь с Тобою, подаждь и нам, недостойным, росу благодати Твоея и яви милосердие Твое.

Кондак 2

Видев Сын Твой, Богомати, великое Твое к людям милосердие, глаголет Тебе: проси, Мати Моя, зане не отвращуся Тебе, но исполню вся прошения Твоя. Мы же, прославляюще сие дивное промысление о роде человечеством, вопием Богу: Аллилуиа.

Икос 2

Разум небесный даровася преподобному старцу Амвросию, еже водрузити во обители, им созданной, икону Пресвятыя Богородицы и нареши ю Спорительница хлебов, яко Ты, Пресвятая Дево, спасаеши люди Твоя от глада, защищаеши я от смертоносного вреда и пагубы, даруеши земли плодородие, посылаеши дождь ранний и поздний на нивы и поля наша. Темже вопием Тебе таковая:

Рáдуйся, Дéво, христиáн похвалó;
рáдуйся, я́ко блажа́т Тя вси ро́ди.
Рáдуйся, яко Ты хлéбы нáша благословля́еши и споря́еши;
рáдуйся, я́ко Ты нас от гла́да избавля́еши.
Рáдуйся, пита́ющая нас Хлéбом Жíзни;
рáдуйся, млеко́м пита́вшая Пита́теля вселénных.
Рáдуйся, Плода́ Безсмéртнаго стяжа́ние;
рáдуйся, Садíтеля жíзни нáшея рóждшая.
Рáдуйся, Благодáтная, Господь с Тобóю, пода́ждь и нам, недостóйным,
ро́су благодáти Твоея́ и яви́ милосéрдие Твое́.

Кондак 3

Сíлою свýше укрепí нас, благодáтная Влады́чице, во дни гла́да и па́губы,
да не погíбнем лю́те без покая́ния во уны́нии и отча́янии, но утверди́ и
наста́ви нас в терпе́нии и благоугожде́нии Бо́гови, да разуме́ем в напáстех и
ско́рбех во́лю Его́ святу́ю, благо́ую и соверше́нную, непреста́нно взыва́юще к
Нему́ хвале́бным гласом: Аллилу́иа.

Икос 3

Иму́щи любóвь вéлию к лю́дем, искуплénным Честно́ю Кро́вию Сы́на
Твоего́ и Бо́га, Богома́ти Пречíстая, прия́ла еси́ от Него́ власть устроить и
покрывáти род христиáнский. Ты бо бéдствующим помощница еси́ ско́рая,
градом и вéсем, сéлам и нíвам, и все́му мíру Покрóв. Тебе́, Милосéрдной и
Боголюбíвой Ма́тери нáшей, устрóяющей и направл́яющей ко спасéнию
земну́ю жизнь нáшу, со смире́нием глаго́лем:

Рáдуйся, Благо́го Сы́на Благо́я Ма́ти;
рáдуйся, непреста́нно моля́щаяся о спасéнии нас грéшных.
Рáдуйся, о все́м мíре христиáнством к Бо́гу Ходáтаице;
рáдуйся, благ вся́ческих Всеблагáя Подáтельница.
Рáдуйся, пленénных и в темни́цах заключénных пита́тельнице;
рáдуйся, телесéм нáшим здра́вие и душáм спасéние.
Рáдуйся, я́ко рай пи́щный процвета́еши;
рáдуйся, я́ко приста́нище душáм гото́виши.
Рáдуйся, Благодáтная, Господь с Тобóю, пода́ждь и нам, недостóйным,
ро́су благодáти Твоея́ и яви́ милосéрдие Твое́.

Кондак 4

Бу́ря протíвных вéтров, егда́ найдет на ны внеза́пно, гро́мы и мо́лнии,
град и вода́ мно́гая устремя́тся на зéмлю, тогда́, Госпоже́ Всеми́лостивая,
ускори́ на по́мощь нам беспомóщным, за́щити́ и изба́ви нас от дожде́внаго

лияния, егѡже сотворѣхомся достѡйни грех ради наших, и да будут поля и нѣвы невреѣимы от сих, и да не потопѣтъ нас буря водная. Тебѣ бо грѣшнии ѣмамы Застѣпницу непостыдную, на Тя упование наше возлагаем и, прославляюще силу молитв Твоих, Рѡждшемуся от Тебѣ Спасу мѣра зовѣм: Аллилуѣа.

Икос 4

Слышаще и видяще Твое состраданіе, Владычице, к бѣдствующим и гибнущим людем, мы грѣшнии прибегаем к Тебѣ и молимся: о, Пресвятая Дѣво, услыши нас, и во дни, егда солнце изсушит землю и от сѣхости зной будет, и прозябѣнія земная начнут увядати, тогда, Владычице, рѡсу благодати Твоея низпосли на требующия и просящия милости, возвесели лице земли, людей ради Твоих, и младенец их, и скотов, и иных всех, ѣже чают к Богу дати пищу им во благо время, и от святых икон Твоея Спорительницы яви милосердіе Твое вопиющим Тебѣ таковая:

Радуйся, молитвеннице неусыпающая ко Христу Богу, на милость к нам Его преклоняющая;

радуйся, гнев Божий на ны праведно движимый от глав наших отводящая.

Радуйся, Матерним покровом Твоим от всяких несчастий нас охраняющая;

радуйся, поля и нѣвы наша от запалѣнія солнечнаго и зноя спасающая.

Радуйся, Всемилостивая услышательнице гласов наших молебных в скорби и обстояніих;

радуйся, жилища наша от огня спасающая.

Радуйся, державная скоропомощнице наша во дни тяжких испытаній;

радуйся, от всех бед скорое избавленіе.

Радуйся, Благодатная, Господь с Тобою, подаждь и нам, недостѡйным, рѡсу благодати Твоея и яви милосердіе Твое.

Кондак 5

Боготѣчная звезда икона Твоя, Богомати, людем, просящим хлѣба насущнаго¹, немерцаемо сияет. Покровом бо Твоея милости соблюдаеши поля и нѣвы наша и плодоносити их устрояеши, подвижаючи верныя вопіти Христу Богу: Аллилуѣа.

Икос 5

¹ Слово «насущный» воистину было «камнем преткновенія» для экзегетов. В классической греческой литературе оно не встречается, и Ориген, например, считал, что Матфей сам составил его из предлога «на» и существительнаго «сущность». Однако не столь давно был найден папирус (дохристианских времен), где встречается это спорное слово. Текст оказался списком «насущных», то есть «обычных», «повседневных» покупок на базаре. (Схолия прот. Леонида Лутковского на Мф. 6:11).

Видя Тя Сын Твой при Кресте стоящую с возлюбленным учеником, глаголет Тебе: Жено, се Сын Твой. И ученику: Се Мати твоя, — усыновляя Тебе вся верующия в Него. Мы же, чада Твоя суще, на Твой покров надеемся, Тебе, яко Матери нашей, глаголати дерзаем:

Радуйся, Судий Праведнаго умоление;
радуйся, грехов наших прощение.
Радуйся, надеждо наша известная;
радуйся, упование наше непостыдное.
Радуйся, скорбей наших разрешение;
радуйся, печалей наших утление.
Радуйся, пламене страстей изменяющая;
радуйся, всех родов веселие.

Радуйся, Благодатная, Господь с Тобою, подаждь и нам, недостойным, росу благодати Твоея и яви милосердие Твое.

Кондак 6

Проповедует Церковь Христова чудеса Твоя, Богородительнице, от восток бо до запад хвально имя Твое, и несть града или страны, идеже не явися Тобою действия силы Божия, во избавление и спасение, просвещение и исцеление людей христоименитых, наипаче же чрез иконы Твоя святых обыкла еси чудотворити, изливающие от них струи милостей и щедрот бедствующему и требующему помощи человечеству. Сего ради славословяще Тя, Сыну Твоему и Богу нашему вопиём: Аллилуиа.

Икос 6

Возсияла еси от Истиннаго Солнца заря, Дево Богоотроковице, просвещаючи души всех, томимых голодом душевным, рече бо Господь: не о хлебе едином жив будет человек, но о всяком глаголе, исходящем из уст Божиих. Обаче помрачишася очи наша и окаменеша сердца наша и не видим очима своими и не разумеем сердцем судеб Божиих. Томимии же душевным голодом, к Тебе прибегаем, Пречистая Дево, и просим Словом Жизни утолити глад душевный нас, вопиющих Тебе таковая:

Радуйся, от убожества душевнаго нас воздвизающая;
радуйся, питающая нас Словом Жизни;
Радуйся, трапезо пресветлая, Хлеб Жизни носившая;
радуйся, пище, манны приемнице.
Радуйся, земле благая, Клас Божественный израстившая;
радуйся, ниво, растящая многоплодие щедрот.
Радуйся, камению, напоивший жаждущия жизни;
радуйся, милость сугубо нам подающая.

Рáдуйся, Благодáтная, Госпóдь с Тобóю, пода́ждь и нам, недостóйным, рóсу благодáти Твоея и яв́и милосéрдие Твоё.

Кондак 7

Хотя́щи жа́ти спасéние, я́ко селó слáдкое показáлася ес́и, Влады́чице, от него́же пита́ющеся, íмамы пíщу вéчную и нетлénную. Мы же, земн́ии сýще, мо́лим Тя, Пречíстая Дéво: покаж́и síлу Твою́ в дни жа́твы нив и полéй нáших, да всяк злак избóилует на утешéние нас, пою́щих Бóгу: Аллилу́иа.

Икос 7

Дíвно прослáвилася ес́и, Богомáти, в защи́щении люде́й правослáвных. Возста́юЩИ на Бóга не позна́ют, ко́ль сильна́ есть моли́тва Бóжия Ма́тере. Мы же о Твоём всемо́щнем заступлénии, по́мощи и благословénии дóбре вéдуще, сýще к Тебé со умилénием зовём:

Рáдуйся, чíстых рука́ма и сéрдцем земледéльцев благословénными плода́ми венча́ющая;

ра́дуйся, бе́дствующим среди́ напáстей и трудо́в внеза́пное вспомо́жение.

Рáдуйся, безма́терних сирóт незр́имая воспитáтельница;

ра́дуйся, помо́щнице всех безпо́мощных.

Рáдуйся, корми́тельнице вдов и сирóт;

ра́дуйся, пода́ющая síлу, пíщу и отра́ду боля́щим и разсла́бленным.

Рáдуйся, оде́ждо нагíх дерзнове́ния;

ра́дуйся, мно́гих согреше́ний прощéние.

Рáдуйся, Благодáтная, Госпóдь с Тобóю, пода́ждь и нам, недостóйным, рóсу благодáти Твоея и яв́и милосéрдие Твоё.

Кондак 8

Я́коже дрéвле соде́йствовала ес́и схожде́нию на зéмлю Спаси́теля ми́ра, сýще и ны́не, я́ко со́лнце светозáрное, восходи́ши над созрева́ющею нíвою, предше́ствующи прихо́ду Господи́на с жа́телями. Тому́ и мы со стра́хом вопи́ем: Аллилу́иа.

Икос 8

Все упова́ние нáше на Тя возлага́ем, Ма́ти Бóжия, и в ско́рбех нáших ко святéй ико́не Твоéй усéрдно притека́ем, ча́юще получи́ти от Тебé утешéние благодáтное и вспомо́жение во оскуде́нии и нищете́ нáшей, сего́ ра́ди взывáем Ти:

Рáдуйся, мíлости превели́кия сокро́вище;

ра́дуйся, пíще и утешéние к Тебé прибега́ющих.

Рáдуйся, хлéбе неснеда́емый álчущих;

ра́дуйся, ско́рое нищих услы́шание.

Рáдуйся, от глада и нúжды скорбящих приятное попечéние;
рáдуйся, к Свéту Непристúпному нас изводящая.
Рáдуйся, ключú Цáрствия Христова;
рáдуйся, надеждо благ вéчных.

Рáдуйся, Благодáтная, Госпóдь с Тобóю, подаждь и нам, недостóйным,
рóсу благодáти Твоея и яví милосéрдие Твоё.

Кондак 9

Вси лю́дие дивя́тся вели́чию чудéс Твои́х, Пресвята́я Дéво, излива́емых
Тобóю от святых Твои́х ико́н, я́ко всем да́руеши по коегóждо прошéнию,
устрóяеши до́мы на́ша, посыла́еши благословéние земли́ де́лательем и даéши
лю́дем всякое дово́льство. Тéмже вопи́ем Сы́ну Твоему́: Аллилу́иа.

Икос 9

Ветii многовещáнныя не мóгут воспéти чудéс Твои́х, Богомáти
Влады́чице, я́ко всем концéм земли́ простира́еши рúку пóмощи и
низпосыла́еши вёрным земли́ плодонóсие, благорастворéние воздúхов и
всякое изобíлие плодóв и благ земных. Мы же, во смире́нии своём
исповéдающе Твоё вели́кое заступлéние нас грéшных и непрестáнную
пóмощь в нúждах на́ших, вопи́ем Ти:

Рáдуйся, достóйно восхваля́емая от Архáнгел и Áнгел;
рáдуйся, велича́емая от всех Небéсных сил.
Рáдуйся, Честнéйшая Херувím;
рáдуйся, Сла́внейшая без сравне́ния Серафím.
Рáдуйся, Влады́чице Не́ба и земли́;
рáдуйся, Родите́льнице Вéчнаго Царя́.
Рáдуйся, вёрная Рабо́ Госпóдня;
рáдуйся, ублажа́емая на Небеси́ и на земли́.

Рáдуйся, Благодáтная, Госпóдь с Тобóю, подаждь и нам, недостóйным,
рóсу благодáти Твоея и яví милосéрдие Твоё.

Кондак 10

Спаси́тельное прибе́жище в ско́рбех и напа́stech Ты еси́, Богорóдице,
тéмже испроси́ у Сы́на Твоего́ и Бо́га на́шего мýлости нам грéшным,
пою́щим: Аллилу́иа.

Икос 10

Стена́ еси́ похваля́ющим чудеса́ Твоя́, Богорóдице Дéво, и всем с véрою
притека́ющим и покланя́ющимся Тебе́ и ико́не Твоей, Спорите́льница хлебо́в
имену́емой, и глаго́лющим:

Рáдуйся, неисто́щимый исто́чнице мýлостей и щедрóт;

ра́дуйся, любве́ Божественныя проявлéние.
Ра́дуйся, чудес пресла́вных соверше́ние;
ра́дуйся, тружда́ющихся и обременённых сла́дкий поко́ю.
Ра́дуйся, терпели́вых страда́льцев да́ры благодáтными ущедря́ющая;
ра́дуйся, о хра́мах Бо́жиих попече́ние иму́щих духо́вною ра́достью
утеша́ющая.

Ра́дуйся, несумне́нная на́ша наде́ждо;
ра́дуйся, т́хое и до́брое приста́нище.

Ра́дуйся, Благодáтная, Господь с Тобо́ю, пода́ждь и нам, недостóйным,
ро́су благодáти Твое́я и яви́ милосе́рдие Твое́.

Кондак 11

Пе́ние на́ше не прэ́зри, Пресвята́я Де́во, и сокро́вище любве́ Твое́я не
затвори́ от нас; ще́дную ру́ку Твое́я по́мощи простри́ нам, да прославля́юще
мíлости и чудеса́ Твоя́, поём Триеди́ному Бо́гу: Аллилу́иа.

Икос 11

Све́тлыми луча́ми чудес Твои́х просвеща́еши весь мир христиа́нский и
заступа́еши лю́ди правосла́вныя, искупле́нныя Кро́вию Сы́на Твоего́. Те́мже
припада́юще ко свято́му о́бразу Твоему́, на нёмже зрим Тя, Богома́ти, на
возду́се над поля́ми и н́вы на́шими, благословля́ющую со́бранныя снопы́
хле́ба, мо́лим Тя, Всеми́лостивая Влады́чице: род челове́ческий, осужде́нный
в по́те лица́ своего́ снести́ хлеб, в боле́знях роди́ти и в печа́лех пита́ти ча́да
сво́я, ми́лостивно пощади́ и заступи́. Да́руй нам здра́вие и благомо́щие, да
пита́емии Тобо́ю от си́лы в си́лу возраста́ти бу́дем и вси испо́лнимся ра́дости
и утеше́ния от щедрода́тельныя десни́цы любве́ Твое́я, зову́ще Тебе́:

Ра́дуйся, младе́нцев млекопита́тельнице;
ра́дуйся, усты́ дете́й хвалу́ Бо́гови соверша́ющая.
Ра́дуйся, росó небото́чная в знóи трудо́в су́щим;
ра́дуйся, пода́ющая тре́бующим благостро́ение.
Ра́дуйся, прося́щим изоби́лие уготовля́ющая;
ра́дуйся, мно́гажды проше́ния предвара́ющая.
Ра́дуйся, печа́льных утеше́ние;
ра́дуйся, скорбя́щих весе́лие.

Ра́дуйся, Благодáтная, Господь с Тобо́ю, пода́ждь и нам, недостóйным,
ро́су благодáти Твое́я и яви́ милосе́рдие Твое́.

Кондак 12

Благодáтную по́мощь низпосли́ нам, Ма́ти Бо́жия, и егда́ изы́дет се́йя
се́яти, да не паду́т се́мена при пу́ти или́ посреде́ те́рния, или́ на ка́мени, но на

землі дóбрей. Сотвори́ восхóд их, да произра́стит земл́я плод сторíцею, и мы вси в рáдости сéрдца благодарными устý вопи́ем Бóгу: Аллилу́иа.

Икос 12

Пою́ще чудеса́ Твоя́ и мýлости, Влады́чице Богорóдице, хва́лим Тя вси, я́ко вои́стину еси́ на́ша Помóщница, Застýпница, Питáтельница и Домостро́ительница, жити́е на́ше ко спасéнию устрóяющая. Тёмже вопи́ем Ти:

Ра́дуйся, богáтство нетлénное нам подава́ющая;
ра́дуйся, бра́шно неги́блющее álчущим прáвды.
Ра́дуйся, пити́е неисчерпа́емое жа́ждущим жи́зни;
ра́дуйся, земл́е обетова́ния, из не́яже течёт мед и млеко́.
Ра́дуйся, ве́рных спаси́тельное прибе́жище;
ра́дуйся, покрóве ми́ру, ши́рший óблака.
Ра́дуйся, ненаде́жных наде́яние;
ра́дуйся, отча́янных спасéние.

Ра́дуйся, Благода́тная, Госпо́дь с Тобо́ю, пода́ждь и нам, недостóйным, ро́су благода́ти Твое́я и яви́ милосéрдие Твое́.

Кондак 13

О́, Всепéтая Ма́ти, ро́ждшая всех святы́х святéйшее Сло́во! Ны́нешнее на́ше прие́мши приноше́ние, изба́ви лю́ди к Тебе́ прибега́ющие от вся́кия нýжды, гла́да душе́внаго и телéснаго, смертоно́сных боле́зней и вся́каго зла и ве́чныя изми́ мýки, да с ли́ки А́нгельскими непреста́нно поём Бóгу: Аллилу́иа.

Молитва.

О́, Пресвята́я Де́во Богорóдице, Преми́лостивая Влады́чице, Цари́це Небесé и земл́и, вся́каго до́ма и семе́йства христиáнского благоустро́ительнице, тружда́ющихся благослове́ние, нужда́ющихся неисто́щимое богáтство, сы́рых и вдови́ц и всех люде́й корми́тельнице! Питáтельница на́ша, ро́ждшая Питáтеля вселénныя и Спори́тельнице хлебо́в на́ших, Ты, Влады́чице, низпосыла́еши Твое́ ма́тернее благослове́ние градо́м на́шим, сéлам и нýвам и коемо́ждо до́му, на Тя упова́ние имúщему. Тёмже с благоговéйным трéпетом и сокруше́нным сéрдцем смире́нно мо́лим Тя: бóди и нам, грéшным и недостóйным рабо́м Твои́м, мýдрая домостро́ительница, жити́е на́ше дóбре устрóяющая. Всех же прибега́ющих к покрóву Твоемý, вся́кий дом и семе́йство во благоче́стии и правосла́вии, единомýслии, послуша́нии и дово́льстве соблюди́. Ни́щия и неимúщия пропита́й, ста́рость поддержи́, младе́нцы воспита́й, всех вразуми́ преискренне взыва́ти ко

Господу: хлеб наш насущный даждь нам днесь. Сохрани, Пречистая Мати, люди Твоя от всякия нужды, болезни, глада, огня, от всякаго злаго обстояния и всякаго нестроения. Обители [или веси] нашей [или граду нашему], домом и семейством и всякой души христианской и всей стране нашей исходатайствуй мир и велию милость, да славим Тя, Премилостивую Питательницу и Спорительницу нашу, ныне и присно, и во веки веков. **Аминь.**